

integram solutionem dictorum ducentorum milium florenorum dictis modo et terminis faciendam et ad observationem omnium et singulorum predictorum ac^a refectionem dampnorum et interesse, que dictus princeps ac ille vel illi quibus solvi mandaverit ut est dictum substituerint, et expensarum, que pro parte ipsius domini vel aliorum predictorum facte fuerint, propter defectum solutionum huiusmodi vel alicuius earum faciendarum, sicut superius est expressum. Ac renuntians vice et nomine quibus supra exceptioni doli mali, vis metusve causa, conditioni indebiti, sine causa vel ex iniusta causa, in factum actioni^b, omni privilegio, statuto seu^c consuetudini et privilegio fori spetialiter ac etiam omni^d iuris auxilio, per quod^e dictus syndicus vel iidem vicarius, anziani, consilium et comune possent contra premissa vel aliquod premissorum seu ab eis vel eorum aliquo dependentia aliquatenus se tueri necnon et iuri dicenti generalem renuntiationem non valere. Insuper^f prefatus syndicus vice ac nomine quibus supra iuravit ad sancta Dei euangelia in animas dictorum vicarii, anzianorum, consilii et comunis corporaliter tacto libro predicta omnia et singula observare et totaliter adimplere ac observari sine defectu facere ac totaliter adimpleri^f.

Actum in domo que dicitur de Bonfillazis prope Sanctum Cassianum Florentin. dioc., ubi tunc prefatus dominus imperator castra tenebat, sub anno nativitatis Domini millesimo trecentesimo tertiodecimo, indict. XI, regni eiusdem domini imperatoris anno quarto, imperii vero primo, die XXVI. Decembr. In presentia mei et magistrorum Bernardi de Mercato de Yenna et Pardi^g de Pisis notariorum^h ad hec una mecum rogatorumⁱ necnon et horum testium, videlicet venerabilium in Christo patrum dominorum Henrici Tridentin. et fratris Nicolai Botrontin. episcoporum et etiam illustrium dominorum Amedei Sabaudie et Iohannis Foresii comitum et prudentum virorum domini Egidii thesaurarii eiusdem principis et dominorum Iohannis de Vestino ac Bartholi de Spoleto iurisperitorum ac horum civium Pisanorum Bandutii Boncontis, Petri eius filii, Ranerii Gualterotti, Cole Thomasii et domini Iohannis Rossi militis ad hec vocatorum et rogatorum.

a) gestrichen; 'et' über der Zeile von B. b) 'privilegio fori' hiernach über der Zeile von B. c) von B. getilgt. d) 'privilegio — omni' von B. getilgt. e) 'seu quam' hiernach über der Zeile von B. f) 'Insuper — adimpleri' von B. getilgt. g) 'Leop' über 'P' von B. h) von B. getilgt. i) 'notariorum' hiernach über der Zeile von B.